

2. gr.

Fari viðstaða skipsins í höfn eða á viðkomustað fram úr 6 klst. á leiðsögumaður tilkall til biðpeninga fyrir þann tíma, sem viðstaðan fer fram úr 6 klst. á hverjum stað. Skulu biðpeningar greiddast með kr. 51,00 pr. klst., þó ekki lengur en 8 klst. á hverjum sólarhring. Þar að auki ber leiðsögumanni frítt fæði og hvíldaraðstaða fyrir sig og aðstoðarmann.

3. gr.

Leiðsögumanni ber greiðsla alls eðlilegs og sannanlegs kostnaðar fyrir flutning sinn milli skips og lands og ferðakostnaðar í veg fyrir skipið, eða frá því til leiðsöguhafnar. Hér með teljast laun á ferðalögum og ef leiðsögumaður biður skips eftir ákveðinn komu- eða burtfarartíma þess. Skal það á sama hátt vera greitt með kr. 51,00 pr. klst., þó aldrei meir en 8 klst. á sama sólarhring (frá 00:00—24:00).

4. gr.

Vetrargjaldskrá gildir á tímabilinu frá 1. október til 31. mars og skal vera 1/3 hærri samkvæmt 1. gr., en óbreytt varðandi 2. og 3. gr.

Gjaldskrá þessi, sem sett er samkvæmt lögum nr. 48, 19. júní 1933, um leiðsögu skipa, staðfestist hér með til þess að öðlast þegar gildi og birtist til eftirbreytni öllum þeim sem hlut eiga að máli. Jafnframt fellur úr gildi gjaldskrá fyrir leiðsögu við Ísland, nr. 183, 6. mars 1980.

Samgönguráðuneytið, 11. september 1981.

Steingrímur Hermannsson.

Kristinn Gunnarsson.

REGLUGERÐ**um gatnagerðargjöld í Nesjahreppi, Austur-Skaftafellssýslu.****1. gr.**

Sveitarstjórn er heimilt að leggja gatnagerðargjöld á lóðir í sveitarfélaginu eftir því sem nánar segir í reglugerð þessari. Heimilt er að leggja gatnagerðargjald á land, sem sambærilegt telst, þótt ekki sé sérstök lóð, njóti það sömu réttinda.

2. gr.

Gatnagerðargjöld eru tvenns konar, A- gjald, sem er gjald vegna þátttöku lóðarhafa í kostnaði við að gera undirbyggða götu, og B- gjald, sem er gjald vegna þátttöku lóðarhafa í því að leggja bundið slitlag á götu og ganga endanlega frá gangstétt.

3. gr.

A- gjald vegna nýbygginga og viðbygginga við eldri hús skal miða við ákveðinn hluta byggingarkostnaðar á rúmmetra, eins og hann er talinn af Hagstofu Íslands hverju sinni, svo sem hér segir:

Einbýlishús	2.25%
Tvíbýlishús og sambyggð einbýlishús á einni hæð	1.80%
Tveggja hæða fjölbýlishús	1.35%
Fjölbýlishús, 3 hæðir eða meira	0.90%
Verslunar- og skrifstofubyggingar	2.25%
Iðnaðarhús, vörugæymslur og annað atvinnuhúsnæði	0.90%

Af kjöllurum (jarðhæðum) og rishæðum, sem ekki eru notaðar til íbúðar eða atvinnureksturs, svo og bifreiðageymslum, skal greiða hálf gald.

Gjald skal miða við brúttórúmmál húss, samkvæmt samþykktum uppdrætti. Rúmmál skal reikna samkvæmt IST 50. Nú er ekki fyrir hendi samþykktur uppdráttur, og skal þá miða við þá stærð húss, sem skipulag gerir ráð fyrir. Sé slíkt ekki ákveðið í skipulagi, skal miða við eftirtaldar lágmarksstærðir:

Einbýlishús með tilheyrandi bifreiðageymslu	500m ³
Raðhús, tvíbýlishús, sambyggð einbýlishús: Hver íbúð	400m ³
Fjölbýlishús	300m ³

Í atvinnuhúsnaði skal við útreikning rúmmáls til gatnagerðargjalds miða við lofthæð 3.3m að innanmáli, nema uppdráttur sýni annað.

Framangreindar reglur gilda ef hús er stækkað að því er til stækkunar tekur.

4. gr.

B- gjald til að ljúka frágangi götu umfram það er segir í þriðju grein, þ. e. til að leggja bundið slitlag og gangstétt, nær einnig til eldri húsa, sem ekki hafa áður greitt gatnagerðargjald.

Það skal miða við ákveðinn hluta byggingarkostnaðar á rúmmetra eins og hann er talinn af Hagstofu Íslands hverju sinni svo sem hér segir:

Einbýlishús	2.25%
Tvíbýlishús og sambyggð einbýlishús á einni hæð	1.80%
Tveggja hæða fjölbýlishús	1.35%
Fjölbýlishús, 3 hæðir eða meira	0.90%
Verslunar- og skrifstofubyggingar	2.25%
Iðnaðarhús, vörugeymslur og annað atvinnuhúsnaði	0.90%

Auk þessa gjalds skal lóðarhafi greiða í gatnagerðargjald kr. 1.30 af hverjum fermetra lóðar. Af kjöllurum (jarðhæðum) og rishæðum, sem ekki eru notaðar til íbúðar eða atvinnurekstrar, svo og bifreiðageymslum skal greiða hálf gald.

5. gr.

Gjöld samkvæmt þriðju og fjórðu grein breytast samkvæmt vísitölu byggingarkostnaðar. Sveitarstjórn er heimilt að hækka eða lækka gjaldstuðlana í þriðju og fjórðu grein hvern um sig eða alla í einu um allt að 50% án frekari staðfestingar ráðuneytisins.

Sveitarstjórn hefur fulla heimild til þess að endurskoða flokkun húsa í gjaldstuðla, sbr. þriðju og fjórðu grein, svo og gjöld einstakra gjaldenda, ef sérstakar ástæður eru til.

6. gr.

Gjalddagi gatnagerðargjalds, samkvæmt þriðju grein, skal vera þegar byggingarleyfi er veitt. Sveitarstjórn er þó heimilt að veita gjaldfrest á hluta gjaldsins þar til byggingarframkvæmdir hefjast, eða í allt að tvo mánuði.

7. gr.

Gatnagerðargjald, samkvæmt fjórðu grein, miðast við þá vísitölu byggingarkostnaðar, sem í gildi er þegar lagning bundins slitlags fer fram. Nú breytist vísitala meðan verk fer fram og skal þá miða við meðalvísitölu á því tímabili, sem um er að ræða.

Gjald samkvæmt fjórðu grein af fasteignum við götu þar sem þegar hefur verið lagt bundið slitlag og/eða gangstétt, skal miða við þá vísitölu sem í gildi er á hverjum tíma.

8. gr.

Nú hefur gatnagerðargjald eða gangstéttargjald verið greitt af lóð og skal það þá gilda sem greiðsla á A- gjaldi.

9. gr.

Gatnagerðargjald samkvæmt fjórðu grein greiðist þannig að 20% greiðast þegar lagningu bundins slitlags er lokið. Eftirstöðvar greiðist með jöfnum árlegum afborgunum á næstu fjórum árum.

Gjalddagi afborgana er 1. júlí. Ársvextir 10% greiðast eftir á á sömu gjalddögum.

Lokagreiðslu skal þó ekki innheimta fyrr en endanlega hefur verið gengið frá gangstétt fyrir framan lóð gjaldanda.

10. gr.

Gatnagerðargjaldi fylgir lögveð í fasteign þeirri, sem það er lagt á, og gengur það ásamt vöxtum fyrir öllum veðkröfum, sem á eigninni hvíla og tekur það einnig til váttryggingarfjár eignarinnar.

Heimilt er að taka gjöld samkvæmt lögum þessum lögtaki samkvæmt lögum nr. 29/1885.

Sveitarstjórn sker úr ágreiningi er kann að rísa um álagningu og innheimtu samkvæmt reglugerð þessari.

Reglugerð þessi sem samin er og samþykkt af hreppsnefnd Nesjahrepps A-Skaftafellssýslu staðfestist hér með samkvæmt lögum nr. 51 16. maí 1974 um gatnagerðargjöld til þess að öðlast gildi þegar í stað.

Félagsmálaráðuneytið, 14. ágúst 1981.

F. h. r.

Hallgrímur Dalberg.

Hólmfriður Snæbjörnsdóttir.

S A M Þ Y K K T

um breytingu á samþykkt nr. 615 frá 1980 fyrir Iðnaðarbanka Íslands h.f.

2. másl. 1. mgr. 29. gr. hljóði þannig:

„Ennfremur skal fundurinn kjósa löggiltan endurskoðanda.”

Þannig samþykkt á aðalfundi Iðnaðarbanka Íslands h.f. hinn 28. mars 1981.

Í bankaráði Iðnaðarbanka Íslands h.f.,

Gunnar J. Friðriksson. Sveinn S. Valfells. Gunnar Guðmundsson.

Kjartan Ólafsson. Sigurður Magnússon.

Framangreind breyting staðfestist hér með.

Iðnaðarráðuneytið, 24. ágúst 1981.

Hjörleifur Guttormsson.

Jafet S. Ólafsson.